

Cheldechedechal chomebelel a belulechad

1 Sera lomuchel a Dios el omeob ra belulechad ma bek el tekoi el ngara milidiul, ²e a belulechad a dimlak a teletelel. E a ilkolk a milchelchebii ngiil kloul daob, ma Reng ra Dios a mlar bebul. ³Misei e a Dios a dilu el kmo, “Le borngii a llomes”, me ngmlorngii a llomes. ⁴Ma lesenge ngiil llomes e ngmlo ungil a rengul, me ngileklii a llomes ra ilkolk; ⁵e mengklii a llomes el kmo “Llomes,” ma ilkolk el kmo “Klebesei.” E mocha kebesengei el mo tutau, itia a mle kot el sils.

⁶Misei e a Dios a dilu el kmo, “Le borngii a milidiul el meleakl ra ralm, e bo le meakl el mo erung a le ngar ngii” me ngmlo uaisei. ⁷Misei e a Dios a rirellii a milidiul el meleakl ra ralm el ngar cheungel ma ralm el ngar bebul; ⁸e mengklii a milidiul el kmo “Eanged.” E mocha kebesengei el mo tutau, itia a mle chongerul sils.

⁹Misei e a Dios a dilu el kmo, “A ralm el ngar cheungel a eanged bo le modak ma beluu bo le cholt,” me ngmlo uaisei. ¹⁰Me ngmilengklii a beluu el kmo “Chutem,” ma ralm a mlo modak e mungakl el kmo “Daob.” Ma lesenge ikal bla lruul e ngmlo ungil a rengul. ¹¹Misei e ngdilu el kmo, “A beluu bo lomekdubech a bek el bedengel a dellomel, el ikel outane el dellomel ma outane el kerrekar,” me ngmlo uaisei. ¹²Ma beluu a ulemekdubech a bek el bedengel a dellomel el outane ma ikel ourodech el kerrekar. Ma Dios ra lesengei a ikal bla lruul e ngmlo ungil a rengul. ¹³E mocha kebesengei el mo tutau, itiai a mle chongedel sils.

¹⁴Misei e a Dios a dilu el kmo, “Le borngii a llomes ra eanged el meleakl ra llomes ra klebesei, el olecholt a uchelel a sils, ma rak, ma temel a kelekolt ma kleald; ¹⁵me bo ldiich el ngara eanged el omekllomes ra belulechad”, me ngmlo uaisei. ¹⁶Misei e a Dios a riruul a teblong el mekloul llomes, el sils el merreder ra llomes ma buil el merreder ra klebesei, e dirrek el riruul a btuch. ¹⁷Ngliilecha llomes ra eanged el omekllomes el mera belulechad, ¹⁸me bo lorreder ra llomes ma klebesei, el oleakl ra llomes ra ilkolk. E ulemes a ikal bla lruul e mlo ungil a rengul. ¹⁹E mocha kebesengei el mo tutau, itia a mle chongeval sils.

²⁰Ma Dios a dilu el kmo, “Le borngii ra daob ma ralm a bek el bedengel chouteliil el bleob, ma suebek el charm bo lsebek ra milidiul”, me ngmlo uaisei. ²¹Misei e a Dios a ulemeob a mekloul charm ra daob, ma rokuil blekeradel louteliil charm ra daob ma ralm, ma rokuil bedengel a suebek el charm. Ngulemes a ikal bla lruul e mlo ungil a rengul. ²²Me ngulemekngeltengat a blebelel e dilu el kmo: “A ngar el charm el ngara daob ma ralm bo le bekecheroll e bo loksekedii a ngeuaol, ma suebek el charm bo lobdois.” ²³E mocha kebesengei el mo tutau, itia a mle chongeim el sils.

²⁴Ma Dios a dilu el kmo, “Le borngii ra chutem a rokuil bedengel a turturk el charm ma rokuil bedengel a meklou ma mekekerel tebelik el charm”, me ngmlo uaisei. ²⁵Misei e ngriruul a rokuil bedengel a turturk el charm ma rokuil bedengel a charm el meklou ma mekekerel tebelik el charm. E ulemes a ikal bla lruul e mlo ungil a rengul.

ra teleteled. Me bo lorreder a ngikl ma suebek el charm, ma turturk el charm, ma rokuil meklou ma mekekerel tebelik el charm.”²⁷Mitia Dios a milebii a chad, el rirellii a chad el okesiul a Dios. Ngmilebii a sechal ma redil, ²⁸e ulemekngeltengat er tir el dilu el kmo, “Bo le betok ar ngelekiu, mar uldidellel a rsechui bo le kiei er ker me ker ra belulechad e bo lorreder er ngii. Ak meskemiu a klisiich er chomerreder ra ngikl, ma suebek el charm, ma rokuil meklou ma mekekerel tebelik el charm.”²⁹Ma Dios a ditu el kmo, “Ak meskemiu a bek el blekeradel el dellomel ma rokuil bedengel a rodech el mo keliu, ³⁰e ngdi rokuil meklou ma mekekerel tebelik el charm ma rokuil suebek el charm, ak besterir a chemadech el dello-mel me ngkelir”, me ngmlo uaisei. ³¹Ma Dios ra le ues a ikel bek el bla Iruul e ngkmal mlo ungil a rengul. E mocha kebesengei el mo tutau, itia a mle chongelolem el sils.

2 Isei e a belulechad ma eanged, ma bek el ngara chelsel a mlerekui a urerel. ²E a chongeuid el sils e a Dios a mlarukui a urerel, me ngullengull er ngiil sils. ³Ngulemekngeltengat er chongeuid el sils e ileklii el mo ngodech ra bek el sils, ele sel sils e a bek el blebelel a mlo merek, me ngullengull.

⁴Tiakid a mle rolel e a belulechad ma bek el tekoi el ngara eanged a ulebeob.

A Rubak el Dios ra Irellii a belulechad ma bek el tekoi el ngara eanged, ⁵e ngdimlak a tal dellomel el ngara belulechad ma kal tane el mla duubech, ele ngdirekak loietii a chull ma ka chad loureor era chutem. ⁶Me ngdirekak le borngii a chull, e

²⁶E sola e a Dios a dula el kmo, “Chelechang e bo doruul ra chad; kede mo rullii el ua ikid Ioltirakl

ngdi ralm a tilobed ra chutem el mellekimes ra chutem el rokir.

⁷Misei e a Rubak el Dios a ngilai a sesel chutem e milebii a chad e dilkeuii chomekngar el telil el osisebii ra isngel me ngmocha omuchel louteliil.

A sers ra Eden

⁸Ma Rubak el Dios a dilemmii a sers ra Eden el ngar chongos, e lilia er ngii ngikal chad el le bilebii. ⁹Ngulemekeroul a bek el bedengel a kerrekarak er ngii el mle klebokel e ourodech a ungil rodech. E a blngel a sers a mlarngii a kerrekarak ra klengar, ma kerrekarak ra mo medengei a ungil ma mekngit.

¹⁰E a tal omoachel a ulemaoch era Eden el mo melekimes er ngiil sers; e tia mo obii el mo kleuang lomoachel. ¹¹A ngklel sel kot el omoachel a Pison; e tiaikid sel omoachel el meliuekl ra beluu ra Havila. ¹²Itia e a le betik a ikel kmal bliochel kolt, ma dirrek a mekreos el kerrekarak el resin ma bekerekard el bad el onyx. ¹³E a ngklel sel ongerul omoachel a Gihon; e tia chomaoch el meliuekl ra beluu ra Kus. ¹⁴E a chongedei lomoachel a Tigris, el omaoch er chongos ra Asiria. E a chongeual omoachel a Jufrates.

¹⁵Misei e a Rubak el Dios a ngiluu ngiil chad el loia ra chelsel a sers ra Eden el mo mendedmeklel e mengkerengel. ¹⁶E dilu ra chad el kmo, “Ngdi subed cho mongang a rdechel a rokiil kerrekarak el ngara chelsel a sers, ¹⁷e ngdi sel kerrekarak ra mo medengei a ungil ma mekngit a diak monga ra rdechel. Ele cho mkelii e ko mad.”

¹⁸Misei e a Rubak el Dios a dilu el kmo, “Ngdiak lungil ra chad a di le ngii el tang. Ak mo rullii a mo chelmengel e ngelseuil.” ¹⁹E

solang e ngilai a sesei ra chutem e ulemeob a rokiil charm ma rokiil suebek el charm, e ngilai el mera chad el bo lolibech a ngklel; ma ikel ngakl el bo lomngakl a chad a mo ngklel. ²⁰Ma chad a ulemngakl a rokiil turturk el charm, ma suebek el charm, ma tebelik el charm; e ngdi ngii a direkak a mo chelmengel e ngelseuil.

²¹Ma Rubak el Dios a milechiuiiii a chad el kmal liliit a medal e ngiluu a tara chiusel a kekengel e lilia tech el tongetengii sel mlengai el chiuis. ²²Ngrirelii a redil er sel mlengai el chiusel a kekengel a sechal, e ngoura ngiil redil el msa sechal. ²³Misei e a sechal a dilu el kmo,

“Ngkol mocha er ngii a tar ngak,

el chiusel a mlengai ra chiusek, ma techel a bedengel a mlengai ra techel a bedengek.

Ngmo redil a ngklel ele ngmlengai ra sechal.”

²⁴Isei a uchul ma sechal a mecherei a demal ma delal e mo obengkel a bechil, me bo ltal chelechad.

²⁵Me te dul mle meu, e dimlak le merur.

A rebetel a chad ra klengit

3 A bersoech a tkul mle melomes a rengul charm el Rubak el Dios a milebii. Ngii bersoech a uleker ra redil el kmo, “Ngmeral dilu Dios el kmo ngdiak mongang a rdechel a ngiidil kerrekarak el ngara chelsel a sers?” Me ngiil redil a ulenger el kmo, ²“Ngdi subed a ki mongang a ngiidil rodech ra kerrekarak el ngara sers, ³e ngdi sel kerrekarak el ngara blngel a diak. A Dios a dilu el kmo ngdiak el kiram el menga ra rdechel sel kerrekarak, ma dirrek el diak

ki morutech er ngii; ele lsekum ma ki kolii, malechub e a ki rutechii e a ki mad.”

⁴Ma bersoech a ulenger el kmo, “Ngkmal diak le merang, ngdiak bo mad. ⁵A Dios a dmu el uaisei ele ngmedengei el kmo sel bo mkelii e ko mo mellomes a rengmiu, e mo ua ingii el mo medengei a ungil ma mekngit.”

⁶Me ngiil redil ra lesa tial kerrek el kmal klebokel ma rdechel lungil chosenged er ngii, e ngmocha oureng el kmo ngmeral ungil a bo le mellomes a rengud. Meng ngiluu a rdechel el menga er ngii e sola e milsa bechil meng dirrek el mlengang. ⁷E tia ra le kang e te mocha omtab a tekoi, me te mocha medengei el kmo te meau; me te mocha merasm a llel a kerrek el fig e olab el melekedek er tir.

⁸E tial bocha le kebesengei e torrengeles ra Rubak el Dios el meseserechakl ra sers, me tokor e merteterir ra deliul a kerrek. ⁹Ngdi Rubak el Dios a uleme-kedong ra chad el kmo, “Ke ngarker?” ¹⁰Me ngiil chad a ulenger el kmo, “Ak rirengesau el ngara sers; mak mlo medakd ma kmilertak, ele uchul e ak di meau.” ¹¹Ma Dios a uleker el kmo, “Ngtecha silbedau el kmo ke di meau? Kau ke bekord el mla kolii sel rodech el kulengelechel er ngii er kau el kmo ngdiak bo monga er ngii?” ¹²Me ngiil chad a ulenger el dilu el kmo, “Ngikal redil el bilskak a milskak mak killii.”

¹³Ma Rubak el Dios chokere ra redil el kmo, “Ke mlekerang e rullii choua tial tekoi?” Me

ngulenger el kmo, “A bersoech a chilebelkak mak killii.”

A Dios choltobed ra blals

¹⁴Ma Rubak el Dios a dula ra bersoech el kmo,

“Ke medebeakl el kirel tiang; el di kau a mo nguu tial dellebeakl:

Chelechal mong e ngdi mo merael a delem ra chutem, e a chebechab a mo kelem.

¹⁵E kau ma redil a mo kauketui, e ar chad ma bersoech a mo kaucherarou.

Ma chad a mo rukemii a bdelum e kau a mo mengchii a kotel chochil.”

¹⁶E dula ra redil el kmo, “Ak mo omdois a chelebulem ra kldiull er kau

me ke mo chuarm ra ringel cho bo momechell;

e dirrek el di soam el mo obengkel a bechim, e ngii a mo merrederem.”

¹⁷E dilu ra Adam¹ el kmo:

“Kau a ulerrengeles ra bechim me ke killii sel rodech el kulengelechel er ngii er kau el kmo ngdiak bo mongang er ngii.

Ngomerellem a uchul ma chutem a mo medebeakl.

Ke mo meringel el oureor ra klemengetel a klengar er kau,

el meruul er ngii me ngmo omekdubech a ungil a ildisel kall el kirem.

¹⁸Me ngmorngii a tochedulik ma ilemull el kirem,

e kau a mo mengang a dellomel el dingii el duubech ra chutem.

¹ ADAM: A blkul a ngakl el Adam el tekoi ra Hibu a kmo sechal.

¹⁹Ke mo kesib e mo meringel el oureor el omekdubech a dellomel el dimerkmo cho mluut el mora chutem el ngii cho mlengai er ngii.

Ele kau a ulebeob ra chutem, me ke lmuut el mo chutem.”

²⁰Me ngiil chad a milengklii a bechil el Eva,² ele uchul e ngmlo derrir ar bek el chad. ²¹E a Rubak el Dios a merruul a bilel a Adam ma bechil ra budel a charm e ulemekbail er tir.

A Adam ma Eva a mlodik ra sers ra Eden

²²Ma Rubak el Dios a dula el kmo, “Chelechang e a chad a mla mo ua ikid ele ngmla mo medengei el kmo ng ngera ungil ma ngera mekngit. Me ngdiak le kirel el mo menga rodech ra kerrekar ra klengar, e bol ngar el mo cherechar.” ²³Misei e a Rubak el Dios a ultebedii ra sers ra Eden e ulderchii el mo oureor era chutem el lulebeob er ngii.

²⁴Ma Dios a uldikii a chad, e mlelecha er ongos ra sers ra Eden ar kerubim ma tal kmard a ngau er ngii el saider el obebelbult el bedul a bek el uchul a eolt er ngiil sers, el mengkar er tial kerrekar ra klengar.